

Mbunda - Twamene Visoneka - Deliverance Scriptures

Kulava 10:35 Oshe aje acashangumukilile Cikasa ca Cikumiyo kukatuka, Mosesa wendekeli ngwendi, "Katuka, yove Shukulu Kalunga, shandola vitozi vove nakusheka vaje vakuzinda!"

Kwituluka mu Mashiko 23:5 Nameme ngoco Shukulu Kalunga Njambi yeni katolililile kuli Mbalame, oloni watengulwile cisingo kucipwisa civezikiso, omwo Shukulu Kalunga Njambi yeni wamizemene. (Nehemiya 13:2)

Myaso 44:4 Yove unapu u mwene yange na Njambi yange, yove ukahyanesa vanu vove.

Isaya 61:1 Shukulu Kalunga wa Akamwa ya Vyoche nanjishulisa na Munzinzime wendi. Nanjangula nakunjituma mukutwala muzimbu wauvwa kuli tuutu. Mukukolesa vaka-vimbunge vyakupokoka. Mukwambulwila vinzinda kupatuka, nakupatula vaje vali mu kamenga. (Luka 4:18)

Mateo 6:13 Kesi ututwamenene ku vyeseko, oloni twamene ku vuvi! Omwo vumwene vunapu vvove, na nzili na vumpau, ku myaka yoshe. Ewa.' (Luka 11:4)

Mateo 8:16 Omo vetele ku cingwezi, vanu vanenele vanu vavangi vaka-minzinzime yakujwala kuli Yesu, co Yesu wavatundisile minzinzime yakujwala na lijwi, co wakangwisile voshe vaje vavinjile.

Mateo 10:1 Co Yesu wasanene vandongisi vendi likumi na vavali, vaije kuli ikeye, co wavanene moko yakutundisa minzinzime yakujwala, nakukangwisa mishongo yoshe nakuvinja kwoshe. (Mako 3:14,15)

Mateo 10:8 Kangwiseni vaka-kuvinja, sangulen i vatsi, jeleseni vaka-mbumba, co nakutundisa minzinzime yakujwala. Yeni munavitambula vyangoco kujeneka kufweta, ngecivene, neni lalo aneni ngoco kujeneka kutambulao cimo.

Mateo 12:26-29 Co nga Satana atundisa Satana, ikeye nalyanganuna ikeye vavenya, vumwene vwendi vukakola vatijo? 27 Yeni mwendeka ngweni yange njikatundisa minzinzime yakujwala omwo Mbelezembulu ikeye akanjana nzili yakulinga ngacije. Mukemwo vene njimihula ngwange iyajo alinakwana vanu veni nzili yakutundisa minzinzime yakujwala? Vije valinakulinga vanu veni vinapu vukaleo vvakumihisa! 28 Kesi Mbelezembulu ikeye akanjana nzili yakutundisa minzinzime yakujwala embwe, oloni Munzinzime wa Njambi ikeye njikatundisa nendi minzinzime yakujwala, muzivuke ngeci Vumwene vwa Njambi vunete kuli yeni vene. 29 "Naumo wai munu asa kukovela mu njuvo ya muka-nzili nakupukula vufuko vwendi, kuvanga alivange kukuta uje muka-nzili, asinoni akapukula vya mu njuvo yendi. (Mako 3:23-27)

Mateo 12:43-45 "Omo munzinzime wakujwala utunda muli munu, co wita ku lifuti kukwesi mema nakukengezekako mutambela wakuhwimina. Nga kuwasa kuwanako mwela kuje, 44 asinoni ulyendekesa ukewo vavenya ngwawo,

‘Njiiluka ku njuvo yange kuje kunjatundile,’ co omo uneluka uwana muje mu njuvo mwangoco, mwakukomba, co mwakujela. 45 Asinoni uya nakunenelamo minzinzime yeka itanu na ivali yakujwala manene kutuvakana ukewo, ikovelamo nakutumbamamo. Co kuvya kwa munu uje kwakukotokela kukatuvakana kwakulivanga. Ngecivene, mucikapwa ku muyati ou wauvi wa vanu ava valelo.”

Mateo 15:22,26,28 Munakazi umo wa ku Kanana uje wakele mu lifuti lije wezile kuli ikeye. Watambekele ngwendi, “Ove muna Ndaviti, mwane njizivileko mema ku mbunge! Munange wa munakazi ali na munzinzime wakujwala, co alinakuyanda manene.” 26 Co wamukumbulwile ngwendi, “Kesi mwamuvwa kwana vyakulya vya vanike ku tutali.” 28 Ngecivene, Yesu wamukumbulwile ngwendi, “Ove munakazi kukulaela kwove kwakama manene! Cilingiwe kuli yove ngwe kukushaka kwove.” Co kutunda a simbu ije vene munendi wa munakazi wakangukile.

Mateo 16:19 Njikakwana masapi a Vumwene vwa mwilu, co nkala cuma ciwukakuta ano asi, na mwilu vakacikuta lalo, co nkala cuma ciwukazitula ano asi, na mwilu vakacizitula lalo.” (Mateo 18:18)

Mateo 17:19-21 Asinoni vandongisi va Yesu vezile kuli ikeye kwavo lika, vamwhiwile ngwavo, “Omwo vikajo yetu kutwasele kutundisa uje munzinzime wakujwala?” 20 Yesu wavalekele ngwendi, “Omwo kukulaela kweni kwakundondo. Mwa vushunga njimileka ngwange nga kukulaela kweni kunapu kwakama ngwe kanona ka mbuto ya musalata, mwasa kwendeka ku munkinda ngweni, ‘Tunda kuno, ya kuje.’ Co ukaya, co nga nacimo cai cimukonwa! 21 Oloni ou munzinzime wakujwala wangeci, kuwesi kutunda na cuma ceka, kuvanga nakulomba nakulikela kulya.”

Mako 1:23-26 Aje vene munalume umo wakele na munzinzime wakujwala wakovelele mu sinangonge watambekele ngwendi, 24 “Ushaka kulinga vika netu, yove Yesu wa ku Nazaleta? Kuma unaija kuno nakutunyongesa ndi? Njakuzivuka, yove wapwa u muluwa wakujela wa Njambi!” 25 Asinoni Yesu washikile uje munzinzime ngwendi, “Oloka kuluu, co tunda muli munu ou!” 26 Co uje munzinzime wakujwala wapindisile uje munalume manene, watambekele manene, co watundile muli ikeye.

Mako 1:32-34 Ku cingwezi akulauka kwa litangwa, vanu vanenele kuli Yesu voshe vaka-kuvinja na vaje vakele na minzinzime yakujwala. 33 Co vanu voshe va mu nganda vakungulukilile ku njuvo ya Petulu. 34 Co Yesu wakangwisile vavangi vaje vakele nakuvinja mishongo yakuliseza-seza, co watundisile lalo minzinzime yakujwala yaingi. Co katavele minzinzime yakujwala yendeke cuma cimo, omwo ikeyo yamuzivukile.

Mako 1:39 Ngecivene, wetile mu Ngalileya mwoeshe, wambulwile mu masinangonge nakutundisa minzinzime yakujwala.

Mako 5:8 (Ou munalume wendekele evi omwo Yesu wendekele kuli ikeye ngwendi, “Ove munzinzime wakujwala, tunda muli munu ou!”)

Mako 6:7,13 Co wasanene vandongisi likumi na vaval i kuli ikeye, co wavatumine vaval, vaval. Co wavanene moko yakutundisa minzinzime yakujwala, 13 Co vatundisile minzinzime yakujwala yaingi, co vavwavesele mazi vaka-kuvinja vavangi nakuvakangwisa.

Mako 9:23-25 Co Yesu wamulekele ngwendi, "Eyo, nga yove vavenya wasa! Vyuma vyoshe vyasa kulingiwa kuli uje akulaela." 24 Aje vene ishe ya uje mwanike watambekele ngwendi, "Yange njinakulaela, oloni kesi manene. Njikwaseko ngeci njikulaelle manene!" 25 Co omo Yesu wamwene ngeci mbunga ije yakele nakumusindakana, ngecivene, washikile uje munzinzime wakujwala ngwendi, "Ove munzinzime wakujwala wa vusinda-matwi na vuveeve, njikushika ngwange tundamo muli ou mukwenje kesi ukelukile muli ikeye lalo!"

Mako 9:29 Co Yesu wavakumbulwile ngwendi, "Kuvanga malombelo lika asa kutundisa munzinzime wakujwala wa cifwa eci, kukwesi cuma ceka lalo cai."

Mako 9:38,39 Yowano wendekele ngwendi, "Mulongisi, twamwene munalume umo wakele nakutundisa minzinzime yakujwala mu lizina lyove, co twamulekele ngeci alikele, omwo ikeye kesi wa mu munga yetu embwe." 39 Oloni Yesu wavalekele ngwendi, "Kesi mweseke kumuvindika embwe, omwo naumo wai alinga vizivukiso mu lizina lyange asa kwendeka vwas vyuma vyavivi ali yange.

Mako 16:17 Co vaka-kukulaela vakavana nzili yakulinga vizivukiso, co vakatundisa minzinzime yakujwala mu lizina lyange, vakendeka vindaka vyaviha,

Luka 4:34-36 "Yove Yesu wa ku Nazalata, ushaka kulinga vika netu? Kuma unaija kuno nakutunyongesa ndi? Njakuzivuka, yove wapwa u muluwa wakujela wa Njambi!" 35 Asinoni Yesu washikile uje munzinzime ngwendi, "Oloka kuluu, tunda muli munu ou!" Co uje munzinzime wawisilile uje munalume asi ku mesho avo voshe, co watundile muli ikeye kujeneka kumuvulumuna. 36 Vanu voshe valikomokelele manene vashangumukile kulyendekesa umo na mukwavo ngwavo, "Majwi muka awa? Munu ou ali na moko yakushika minzinzime yakujwala, co ilinakutunda!"

Luka 4:41 Na minzinzime yakujwala lalo yatundile muli vanu vavangi, co yatambekele ngwayo, "Yove unapu u Muna Njambi!" Yesu washikile minzinzime yakujwala ngeci kesi yendeke cuma cimo, omwo ikeyo yamuzivukile ngwayo ikeye Wakuvwavesa.

Luka 7:21 A simbu ije vene Yesu wakangwisile vanu vavangi ku kuvinja kwavo, na ku mishongo yavo, na ku minzinzime yakujwala, co watonesele mesho a vanu vavangi.

Luka 8:29 Wendekele ngeci omwo Yesu washikile uje munzinzime wakujwala kutunda muli ikeye, uje munzinzime wakujwala wamuyandesele visimbu vyavingi, co vanu vamunyungile nakumukuta malyenge ku mavoko nakumwaka mendi mu tukunju, oloni washutwile malyenge, co uje munzinzime

wakujwala wamutwalele mu mambo.

Luka 9:40 Njalambelolele vandongisi vove ngwange vamutundiseye, oloni kuvasele.”

Luka 10:17-20 Co vaje vanalume makumi atanu na avali na vanu vavali velukile lalo nakujolela kwakama. Vendekeli ngwavo, “Mwene, nameme minzinzime yakujwala yatwononokele omwo twaishikile mu lizina lyove!” 18 Yesu wavakumbulwile ngwendi, “Njamwene Satana awa kutunda mwilu ngwe muhyato. 19 Tolilileni! Njamwene moko ngeci mukalyatangele manyoka na manyewe, nakuhyana nzili yoshe ya Citozi, co nacimo cai cikamivulumuna. 20 Kesi mujolele omwo minzinzime yakujwala imyononoka embwe, oloni joleleni omwo mazina eni vanawasoneka mwilu.”

Luka 11:14 Yesu wakele nakutundisa munzinzime wakujwala mu munu uje kasele kwendeka, omo uje munzinzime wakujwala watundile, co uje munalume washangumukile kwendeka. Co mbunga valikomokelele,

Luka 11:20-22 Embwe, eyi inapu nzili ya Njambi injikatundisa nayo minzinzime yakujwala, muzivuke ngeci Vumwene vwa Njambi vunete kuli yeni vene. 21 “Omo munalume wa nzili uje nalivwaesela cimweja vitwa vyendi anyunga njuvo yendi, co vufuko vwendi vvoshe vukala mwamuvwa. 22 Oloni omo munalume weka namutuvakana nzili amulwisa nakumufungulula, co ambata vitwa vyoshe vya uje vavenya njuvo vije vyakulaelle, co akapangezelva vyoshe vije vyanapukwile.

Luka 13:32 Yesu wavakumbulwile ngwendi, “Yeni mukamuleke owo mbanje ngweni, ‘Njicili nakutundisa minzinzime yakujwala nakukangwisa vanu ku mishongo yavo ku litangwa lyalelo na imene, co a litangwa lyamucitatu asinoni njikamanesa vipangi vyange.’

Yowano 14:12 Mwa vushunga njimileka ngwange, woshe uje akulaela kuli yange akalinga vipangi vije vinjilinga, eyo, akalinga vipangi vyakama kutuvakana evi, omwo njilinakuya kuli Tate.

Yowano 17:15 Kunjikulombo ngeci uvatundise ano a kaye embwe, oloni njikulomba ngwange uvanyunge kuli Citozi.

Vilinga vya Miluwa 10:38 Mwazivuka vya Yesu wa ku Nazaleta na muje Njambi wamuvwavesele Munzinzime Wakujela na nzili. Wendanganene kwoshe-ikwoshe nakulinga vyavivwa nakukangwisa voshe vaje vakele mwisi ya nzili ya Liyavola, omwo Njambi wakele amo nendi.

Vilinga vya Miluwa 16:17,18 Wakavele Paulu amo netu watambekele ngwendi, “Ava vanalume vanapu vangamba va Njambi wa Akamwa ya Vyoshe!

Valinakwambulula kuli yeni ngila ya kwovoka!” 18 Co walingile eci matangwa amangi, oloni Paulu waviililile, co watengulukile wendekeli kuli uje munzinzime ngwendi, “Mu lizina lya Yesu Kilistu njikushika ngwange tunda muli ikeye!” Co uje munzinzime watundile muli ikeye a simbu ije vene.

Vilinga vya Miluwa 19:11,12 Co Njambi walingile vizivukiso vyeka na vyeka muli Paulu. 12 Ngecivene, nameme tuvinanga twatundondo twa ku livoko lyendi na

tuvuzalo tuje twapangesele Paulu vavyakele ali vaka-kuvinja, co vakangukile ku mishongo yavo, na minzinzime yakujwala yakele muli vakevo yavatundile.

Vilinga nya Miluwa 26:15-18 Co njehwile ngwange, ‘Yove iyajo, Mwene?’ Co Mwene wakumbulwile ngwendi, ‘Yange Yesu, uje iwulinakuyandesa. 16 Oloni katuka. Njinasholoka kuli yove mukukwimika ngeci upwe u ngamba yange. Unapande kuleka vakweni vije viwunamono ali yange ku litangwa lya lelo na vije vinjikakumwesa kulutwe. 17 Njikakwamena kuli vanu va Isalele na kuli vaje kesi va Yunda kuje kunjikakutuma. 18 Ukatonesa mesho avo nakuvatundisa ku lisusulungu nakuvatwala ku ceke nakuvatundisa ku nzili ya Satana nakuvatwala kuli Njambi, ngeci akukulaela kwavo kuli yange vakavasambese ku vivi vyavo nakutambula mwela wavo akati ka vanu vaje vanaangula Njambi.’

Loma 16:20 Asinoni Njambi, nsina yetu ya kwoloka, ololo akatsena Satana mwisi ya myanja yeni. Kutetela kwa Mwene yetu Yesu kukale amo neni.

2 Kolinte 2:11 kutewa Satana akatuhvana, omwo tuzivuka vutumbe vwendi ali yetu.

Ngalatiya 1:4 Uje walyecele ikeye vavenya omwo vuvi vwetu, ngeci atwamene ku simbu ino yaivi, ngwe ku cizango ca Njambi Tatetu,

Efeso 4:27 Kesi mutave kwana Liyavola mwela.

Efeso 6:11 Zaleni vitwa vyoshe vije vyanamyana Njambi, ngeci mwase kwimana nakulwisa matumbe amavi a Liyavola.

2 Tesalonika 3:2,3 Tulombeleleni lalo ngeci Njambi atwamene ku vanu va kupenga-penga vaka-vuvi, omwo kesi ngwe vanu voshe vanapu vaka-kukulaela ku lijwi embwe. 3 Oloni Mwene ikeye wa kulongwa, co akamitakamesa nakuminyunga kuli uje Muka-vuvi.

2 Timateo 2:26 Co asinoni vakatenguluka ku mana avo ngeci vatewe ku mweto wa Liyavola, uje navakwata nakuvapwisa vaka-kwononoka cizango cendi.

2 Timateo 4:18 Mwene akanjamene ku vipangi vyoshe vyavivi, co akanjambata mu kwoloka kunjitzwala ku Vumwene vwendi vwa Mwilu. Kuli ikeye kukale vumpau ku myaka na myaka! Ewa.

1 Petulu 5:8 Kesi mupende, pweni vaka-kukengelela! Citozi ceni Liyavola alinakwendangana nakwaana ngwe ndumba, ashakezeka umo ngeci amusanyozole.

1 Yowano 4:4 Oloni yeni vana vange vavandondo, munakundama kuli Njambi, co munahyana vaka-kwimanena va makuli, omwo Munzinzime uje ali muli yeni ali manene na nzili kutuvakana munzinzime uje uli muli vaje vanakundama ku kaye.